

河北府縣志輯

中國地方志集成

康熙興城縣志

光緒興城縣志續編

民國續修興城縣志

光緒直隸趙州志

中國地方志集成

河北府縣志輯 ⑥

康熙藁城縣志

光緒藁城縣志續補

民國續修藁城縣志

光緒直隸趙州志

上海書店 ● 巴蜀書社 ● 江蘇古籍出版社

藁城縣志序

我

皇上德教覃敷薄海內外悉享
悉王版圖之式廓自中天
以來未有盛於斯時者也
邇年東一統志成凡天下

直省郡邑分野之參差幅
輿之遠近賦稅之重輕風
俗之繁簡政治之沿革人
物之盛衰莫不備載於志
美哉道德一風俗同民生
其間即遠在萬里外莫不

以熙以恬如親見黃農虞

夏之世而況近在郊圻被

潤澤而大豐美者乎藁城

於定為屬邑去京師七

百里余嘗過訪其邑侯賴

君喜其山川葱鬱風俗醇

古戶無擊柝之警庭鮮肺

石之爭每嘆

聖化所被是邑獨得其先而侯

為令於邑愛士恤民所以

宣上德達下情者甚周且

摯故能使士業於庠農嬉

於野商賈安于廛市蓋觀
藁邑而知王道之易易也
顧邑舊有志為相國石文
介公之所鑒定後缺而不
續者百餘歲矣侯謂是志
不脩無以揚先哲而垂後
憲其若軒輅之使辱在敝
邑者何於是下令學宮博
採舊聞得其可志可表可
傳者列為十二則仰觀於
天而知星垣之躔次俯察
於地而知山川之險易覽

戶口之數繁而知
聖天子生聚斯民之德考賦稅
之均平而知
聖天子任土作貢之制其辯善
否別貞淫則太師之陳風
也其紀官師載循良則太
史之執簡也全美必書片
善必揚讀是志者油然而動
忠臣孝子之思貞女賢媛
之慕焉而凡錫命之榮寵
文章之炳蔚凡可以勒鼎
彝而壽金石者莫不具載

洋洋乎邑之大觀畢集於斯矣乃吾於茲竊有慨焉夫材之生也命於天鍾於地而成於人藁城自金元以來若董氏之功在定鼎則父子繼其榮石氏之職

在論思則兄弟嗣其芳外此如王如安或以勞定國或以死勤事迄今讀其家乘恨不得泣生其壠彼豈借才異地哉何盛事之不再見也誠使生是土者以

先哲為儀型以往訓為箴規家弦戶誦雲蒸霞起吾安知自茲以往不更有立德立功如董王石安之出為名將入為名臣者接踵而起流輝史牒者乎余蓋

觀於藁邑而知王道之易易也是役也重輯于邑令賴公諱于宣參訂於廣文張君諱丙宿及邑之紳士趙君擢馬君思發彭君祖庚黃君虞世事增於前文

損於舊記載昭晰條理井
然使數百年興華人物如
指諸掌斯為一統之全書
用垂千秋之盛事云是為
序

康熙三十七年夏五中澣

葉城縣志


序

七

賜進士出身

欽簡翰林院庶吉士同里年耆

弟歐陽齊拜撰



大清康熙三十七年歲次戊寅仲夏教諭
昌黎張丙宿拜撰



葉城縣志

張序

三

藁城縣志序

蓋聞九 創於皇古用紀神
州之職方二南首乎國風爰
集寰宇之好尚自茲以後遂
有志名問俗採風常與詩而
並美彰善瘴惡每借史以長

藁城縣志

序

存凡使萬里輿圖昭

天子無外之象千秋典則垂斯
民不朽之規維茲藁城分隸
畿輔地接恒嶽拱翠巘以衛
神京水繞滹沱帶清流而朝
滄海連城拂漢美哉天塹之

雄長隄如虹屹矣金湯之固

土特宜於稻粱黍稷產常富
於布帛麻絲忠厚儉勤家畱
唐魏之遺俗悲歌慷慨人襲
燕趙之高風是以代有偉人
朝多碩佐董氏威定中土勒

藁城縣志

序

勲名於鼎彝王公歷事累朝
紀謀猷於竹帛知希乃貴讀
和仲之文者謂能起衰式靡
無位亦榮聞敬仲之風者可
以廉頑立懦侃侃譚論石文
介正色立朝嶽嶽懷方張司

寇平心澤物以故錫之茅土
鐵券誓擬於三辰寵彼貤封
綸音榮及於奕世撫茲異代
疊見羣英逮及

本朝尤稱多士集琳瑯於虎觀
非無殊猷獻藻績於龍門悉

棗城縣志

序

三

成令器鄉曲耆叟能言天寶
遺聞閨闈秀韶間凜大家雅
範或義烈彌重夫金石或孝
思兼感乎風雷或洽比其鄰
似指囷之子敬或友于同氣
效其被之姜肱此固聖世之

所激揚抑亦彤管之所備採
若乃風恬景靜川媚山輝稻
浪千層遍地胥成雲錦波文
百折大塊假我文章梵宇紺
官莊嚴金粟之樹殘碑斷碣
憑弔蓁莽之區遂使過客名

棗城縣志

序

四

流騷人逸士莫不句同寶瑟
辭並金荃卽事興懷湧托湘
靈而發韻登高作賦聊憑不
律以寫心宣承乏是城無能
爲役冰蘖自守撫躬惟凜四
知蹇駑莫前考績徒慙三異

每於退食餘暇得覽先代遺
書嘆此邑之代有循良知是
地之蔚爲名勝顧年湮世遠
不無亥豕魯魚矧物換星移
寧免桑田滄海爰咨譽髦嘉
與更新時則有若學博張君

丙宿暨紳士趙君擢馬子思
發彭子祖庚黃子虞世刪繁
就簡共製錦以成章遠討旁
搜各賦詩而見志尤懼言之
無文行之不遠遙函信使就
正於白玉方壺啟緘編摩兼

及夫鴻文巨手但俾信今而
傳後奚辭踵事以增華茲者
勉捐俸糈用付梨棗叅同訂
異蔚成通邑之大觀校誤晰
譌備極一統之盛事所冀百
爾君子三復新編立德立功

立言勲名不讓曩哲爲臣爲
子爲弟忠孝可垂後昆從此
士抱丹鉛時聞頽壁絃誦農
力錢鏹會見井里桑麻近
天子之光展也首善生聖人之
世共慶遭逢斯不獨鍾斯土

者之榮抑亦令斯土者之幸

云爾時

康熙三十七年夏五月中浣

文林郎知藁城縣事廬陵賴

于宣撰



藁城縣志序

今欲知一邑建置之由
盛衰之數戶口之多寡
風俗之淳澆物產之美
惡賦役之繁簡風霆星
日之災祥禮樂政教之
修廢與夫忠孝流芳于
竹帛節烈表異于閭壺
文章垂譽于寰區以及
吏其土者某也賢某也

否非邑各有志何由瞭
如指掌雖歷年之久信
而可徵上以供輜軒之
訪而且俾生其後者于
一邑之故家遺俗流風

善政悉可考而知乎吾
郡屬邑藁城舊有志創
于嘉靖間邑宰尹公而
石文介公之所裁定凡
夫天文地理財賦官室

祀典官秩選舉人物之
屬網羅舊聞上溯歷代
事有關涉靡不編錄惜
距今百有餘年未有起
而重修之者紀載闕遺

無以續殘編而昭盛典
固邑中士大夫之辱而
亦長吏之所不得辭其
責也康熙壬申廬陵賴
君作宰于斯政事之暇

循覽舊志慨其不備謂
及今弗修將愈久愈湮
而文獻無徵爲絕可虞
也爰謀于縣諭昌黎張
君及邑諸文士踵而增

之採訪搜輯分任其勞
而一筆一削則賴君自
斷于心蓋可以對天地
質鬼神卓然具史家之
三長焉書成遣使都門

屬余爲序余按史冊自
唐虞以來幅員式廓未
有若我

朝之盛者也

皇上文教武功無遠弗届

而纂修一統志尤屬佑
啟規然討論潤色良
有取夫各郡各邑之志
則凡有民人有社稷之
區其不可無志以傳信

也明矣顧或刑名錢穀
之外視一方文獻爲無
裨名實坐聽廢墜豈知
爲政之先務者乎蕭何
爲漢相太史公謂其與

閔天散宜生等爭烈而
當年智計惟其能畱意
天下圖書固知古人經
世之學未嘗不首重乎
此也賴君重事修輯訂

正其舊增補其新上以
供輜軒之訪而下俾父
老子弟得以考知其邑
之故家遺俗流風善政
經國大業不朽盛事其

可嘉也已方賴君謁選
見余于京師余見其恂
恂君子知必能體
朝廷愛養元元之意造福
廉州今果獲上治民諸

所爲禦災捍患不勝掄
揚而志尤其大者賴君
之令名其將與是而俱
永也夫

康熙三十七年午月望

後十日

賜進士出身通議大夫都

察院左副都御史前宗

人府府丞順天府府尹

都察院左僉都御史通

政使司左右通政鴻臚

寺卿通政使司左右叅

議吏部文選考功稽勲

清吏司郎中考功稽勲

清吏司員外郎驗封清

吏司主事

特旨行取壬子科山東兗

同考官辛酉河南主考


戊辰

殿試克讀卷官癸酉順天

文武監臨

欽命致祭北鎮北海恒山

劉元慧頓首拜撰



劉序

十

舊志序

我朔野公牧藁之明年百度鼎新六事兼舉獨以邑志未備爲念特命愚譔次謹于嘉靖甲午秋菊月既望拜教周容博訪殫竭鴛鈍兩逾月而事竣承郢斤卑鉞梓以傳不朽愚謂吾藁自漢置縣迄今無志可考以千百年闕典而我公一旦成之俾邑之往哲遺蹟沒者存幽者彰公之仁心何溥哉繼有作者得有所據則公之仁心仁聞益衍無疆矣時明嘉靖十三年十一月冬至後六日藁城後學李正儒沐手拜識

藁城縣志

舊志序

續增志序

藁志創始於嘉靖甲午而重修於康熙戊寅創始以前數千百年無志也重修以前百六十年無志也夫以事績之巨細人物之隱顯即使紀載者衆代多流傳猶恐見聞錯雜難於核實以別 贗而定異同況志者之寥寥哉然則一創一修大抵追尋於曠邈湮沉之後哀集於荒殘零落之餘有傳則述有見則登以云博收而約取難言之矣古籍中有關於藁事宜搜錄者未嘗無也既以羣書不備學問不廣憚於煩碎稽考而遺之其在近代但

藁城縣志

續序

據有文字者並二三悠悠口語概爲拾掇未免疎率果可以爲信志乎哉子惜夫藁邑賢智輩出代有文人不於此着一意致令後之讀志者徒慨嘆於美善之缺略精粗之混淆而抱無涯之憾也然而舍此則又無志彼創始者重修者推其意則已勤論其功則已多雖不盡當詎不足備一邑之觀覽哉予每欲就中刪削補綴更訂成書以垂永久而文獻不足代遠無徵狐疑恍惚着筆甚難而又見夫今之爲志者往往炫已之長掩人之善芟舊過多而補新太繁近於矜才釣譽倘稍戾乎公評

難言有功無過予甚病之故於前志並不更改仍

其舊板但將康熙三十七年以來至今事類人物

續增於各條之下間爲拾遺一二寧簡勿繁寧質

勿華與廣文郭君采曹君寅貞邑士張君若卿泰

君勸黃君虞世石生明天張生定遠等咨訪叅酌

次其大略以俟後之作者採而擇之已爾以云重

修則予心終不能無憾 告

康熙五十九年庚子夏六月

賜進士出身文林郎加一級紀錄三次知藁城縣事

禹都閻堯熙撰

藁城縣志

續序

二

藁城縣志凡例

一舊志自明嘉靖時邑人李正儒纂修距今百有餘年凡邑中諸務悉照舊編入然其中繁簡參訂微因時增損至小序十餘則仍存其舊不忘作者意也

一舊志邑名一篇今因沿革中已詳不必另列故刪

一時踰百年賦役志內所載地畝戶口欵項增減撥解率有異同今止就冊籍現在者列于集中一前代勲戚地畝自

藁城縣志

凡例

一

國朝順治四年盡行撥補安肅縣其租額仍附賦役志以備後日稽考

一神二衛于康熙二十八年裁併歸縣其地丁額則俱詳賦役志內

一舊志祀典止載文廟其中祭品儀式猶多缺畧他如

聖誕迎

詔及元旦鞭春諸大典率未盡載今特編禮儀志庶爲備覽

一啟聖文昌二祠舊列城隍廟後位次不合今俱

入文廟祀典中

一舊志原無驛遞今因伏城驛歸藁城帶管其馬匹工料載入賦役志存畱項下

一舊志有馬政一條今

國朝從無此制故刪

一舊志另編徭役一則今賦役志內俱已詳載不必別列故刪

一古蹟詳入封域志內不必另立條目

一舊志羣顯目錄文不雅馴今改世胄附人物志後

藁城縣志

凡例

二

一嘉靖以後名臣孝子節婦代不乏人今陸續補入要皆有實行可考不敢妄登用志慎云

一武科舊志未載今

國朝文武並重故附武科一則

一舊志無例監吏員今照新例增入

一雜著詩賦自先輩名篇及士女歌謠凡有關風化者悉爲採錄其他紀述無與縣治者不敢概爲編入